



2111 ~~kat. h. 10. 12.~~

L.

Mag. St. Br.

P



H Y M N V S

1888. XII. 156. De

Vita, passione & morte Dominica
Compositus

Ad debitum honorem Passionis &
Mortis

DOMINI NOSTRI IESU Christi

à

Francisco Vdalrico Peijer
I. V. D.

gratitudinis ergò

Typis impressus Academicis
Vilnae

In M. D. Lituaniae

Anno Domini

M D C L XXXIX.



Loenya 4866.261.

ILLVSTRISSIMO EXCEL.
LENTISSIMO & REVEREN:
DISSIMO DOMINO D:
CONSTANTINO CASIMIRO
BRZOSTOWSKI

DEI & Apostolicæ Sedis Gra-
tiâ Episcopo Vilnensi: Domino,
Mecænati & Patrono amplissimo

D*Abis Veniam, quod Celsissimo Tuo
Hymnus iste Nomini inscribitur*

ILLVSTRISSE & REVEREN-
DISSIME PRÆSVL. Nobilissima
enim Domus BRZOSTOWSKI-
ANA quemadmodum Semper extitit
& est piissima Passionis Dominicæ Cul-
trix; ita TV eiusdem Domus Sol
Illustrissimus, SOLEM IVSTITIÆ
in Cruce eclipsim passum contrito
semper corde intueris vigilantissima tua
Pastorali solici tudine, Religionis & pieta-
tis Zelo, intaminatâ Vitâ- & quoti-
dianis Virtutum exemplis veneraris;
adeo

adeo ut plena Spes affulgeat, fore,
ut TE Promotore Hymnus iste in pijs
Christi fidelium mentibus uberes contri-
tionis affectus excitet & TV merita,
quæ copiosa Habes in Domino, mul-
tiplices. Ita animum vouet.

ILLVSTRISSIMÆ EXCELLEN-
TISSIMÆ
& REVERENDISSIMÆ TVÆ
CELSITVDINIS.

Infimus Client & Seruus.
Franciscus Valtricus Peyser I.V.D.
Not. Cons. Vilm:

AD videndum & stupendum
Totus orbis propera,
Mirum tale, per tot quale
Nunquam fuit tempora!
Ipse DEVS tanquam Reus,
Humanorum scelerum
Coelum finit, mundum init
Vndequaq; miserum!
Non in auro, non cum lauro
Nec cum famulatio,
Non in throno, sed cum prono
Corde, & propitio.
Tantum Regem, quis non legem
Statuturum crederet?
Quæ ligatos mundi natos
Sub poenis adigeret?
Regi aula & non caula
Præster diuersorium?
Non iam foenum, sed amænum
Sit reclinatorium?
Sed non ita in hac vita
Vult tractari molliter:
Vultis scire, inuenire
Christum natum nouiter?

En hic iacet Infans! placet
Ipsi uile stabulum,
Vbi Oues, Equi, boues
Suum sumunt pabulum.

Neonatus est stipatus

Aboue & asino,

Denudatus, spoliatus

Omnium suffragio

Sola Mater atq; Pater

Assistit Nutricius,

Dum in foeno inamæno

Iesus flet propitius.

O miranda, commendanda

Toti orbi charitas!

A qua tota est commota

Regis Regum bonitas:

In profundum, ad hunc mundum

Desuper descendere,

Ob peccatum iam damnatum

Hominem redimere.

Homo tamen uelut flamen

Ventorum hoc ponderat,

Et peccatis iteratis

Deum quasi verberat.

En Pastores! qui labores
Agrorum abijciunt,
Christum quærunt, dona ferunt;
Infanti subijciunt.
En tres Magos, vrbes, pagos,
Per mille discedere!
Sine mora, quando hora
Monstratur à sidere,
A Cometa, non Planeta
Ferali, & noxio;
Sed salutis, & virtutis
Restitutæ nuncio.
Non curantes, aspernantes
Viarum incommoda,
Cruditates, tempestates,
Et mala omnimoda
Peramæni, fide pleni
Ad præsepe properant,
Christo nato dono dato
Applaudunt, sacrificant.
Tu ô Homo, qui in pomo
Offendisti Dominum,
Huic Infanti digno tanti,
Offer cor & animum.

Vis ne plura scire dura,
Parvulus quæ sustulit?
Ad implendam, mox tollendam
Legem Amor impulit.
Certè feres, si videres
Circumcidi; Parvulum:
En rubentem innocentem
In cruore Iesulum!
Quò plùs crevit, adolevit
Annis, Sapientiâ
Plus vexatur, tormentatur
Propter nostra vitia.
Illetamen nec gravamen
Mundo ullum reddidit,
Sed sincerè, nimis verè
Bona cunctis præstitit.
Vix annorum transactorum
Numerat duodecem,
Illustrare, informare
Iam conatur hominem:
In Doctorum Professorum
Reperitur medio,
Vanitatis, falsitatis
In confesso impio:

In hoc cætu absq; metu
Verbum Patris prædicans,
Singulorum peruersorum
Falsum dogma increpans.
Quid non fecit, dum defecit
Vinum inter nuptias?
Mater pia en Maria
Pro Patrefamilias
Instat! lubet Christo: iubet
Aquam ferre famulos,
Quam mutabat, recreabat
Vino facto singulos.
Nondum satis Bonitatis
Summæ, fecit dextera:
Rariora absq; mora
Mira cernes opera.
Scande montem! ibi fontem
Videbis Clementiæ,
Prædicantem, simul dantem
Christum indigentia:
Nam dum finit, non sic finit
Abire plebeculam,
Nè cibaret, saturaret
Lassam & famelicam:

Mirum

Mirum sane! paucò pane,
Et duobus piscibus,
Cibum fecit, qui suffecit
Plenè quinq; millibus:
His cibaris, saturaris
Leguntur particulæ,
Quæ restabant: satis dabant
Maiori Plebeculæ.
Nunc descende, iter tende
Ad Urbem, vel aliò;
Nusquam latet, verum patet
Vbiq; dilectio.
Claudos ire, & audire
Surdos passim fecerat:
Cæci vident, ægri rident,
Quos Christus sanauerat,
Nati muti restituti
Diffundunt eloquium
Morti dati, iam humati
Vadunt extra tumulum.
Quot oppressi, vexâ fessi
Maledicti Dæmonis
Liberantur, & sanantur
Curâ huius Numinis.

En Divinam ad piscinam
Planè Vigilantiam!
Vbi nouem per hunc Iouem,
Et eius clementiam,
Liberati & curati
Sunt â morbo sordido:
Sic adiuti, & exuti
Malo Leprae fætido.
Sed ingrati terræ nati
Neq; reddunt gratias;
Solùm unus Christi munus
Laudat, psallit glorias.
Magdalenam forde plenam
Dignatur suscipere,
Dum amarè deplorare
Statuit pro scelere:
Se prostrauit humi, lauit
Pedes Christi lachrymis,
Eos tergens, & abstergens
Crinibus humillimis.
Ad Zachæum multùm reum
Et culpis obnoxium,
Decantatum, publicatum
Turpem Vlturarium

Se conuertit, & diuertit
In eius hospitio,
Cibos sumens, & assumens
Illum pro consortio:
Ex indigno, & maligno
Faciens Discipulum,
Ex auaro (quod fit rarò)
Efformans Apostolum.
Veterano Publicano
Impertitur gratiam,
Dum cor tangit, dolens plangit,
Agit poenitentiam.
Multum digna sunt hæc signa
Bonitatis Domini,
Sed maiora, digniora
Adhuc dedit hominis:
Quibus dari, nec optari
potest pretiosius,
Nec Diuini Inquilini.
Habent sumptuosius.
Magna Coena an non Scena
Est Omnipotentiae?
An non tota meræ nota
Est bencvolentiae?
O Peccator! en Saluator

Insc.

Inseruit discipulis!
En Seruorum indignorum
Pedes lauat humilis!
Nondum fatis: suum gratis
Corpus dat & sanguinem;
Seraphinam an Diuinam
Propinat dulcedinem?
Ecce Agnum! ô quam magnum
Testamentum edidit!
Quam laudandum, admirandum
Sacramentum condidit!
Hoc parauit, propinauit
Medicinam Animæ,
Quâ peccata sæpe nata
Delentur in homine:
Quâ extincta probris cincta
Virtus viua redditur,
Quâ amissa ob commissa
Salus restituitur.
Quid lucratus per hæc Natus
DEI Vnigenitus?
Fortè bona, rara dona
Accepit emeritus?
ô nefanda, execranda

Dura gens Iudaica!
Sic ne penſas, & compenſas
Dona Chriſti coelica?
Quo motiuo compulſuo
Vis necare Dominum?
Qui ſaluauit, te ſeruauit
Ante mortis terminum.
Ipſam lucem cur ad crucem
Condemnari clamas?
Quæ inflexit & direxit,
Tuas iuſtè ſemitas?
An non diram DEI iram,
Expauſcis coelitus?
Proſiſturam, euerſuram
Totam gentem funditus?
Sed non audit, aures claudit
Obſtinata natio:
Cui nec ulla fides, nulla
Pietas, religio.
Chriſtus orat, triftis plorat
In monte triftitiæ:
(Oliuctus verè fletûs
Mons eſt non lætitiæ)
Quieſcebant, dormiebant

Interim discipuli;
Nam turbati, & grauati
Horum erant oculi.
In sudore, & cruore
Offert Patri Calicem,
Sanctitatis, libertatis
Humanæq; Vi dicem.
Indefessus, iam obsessus
A damnato Astheroth
Ecce Iudas! turbas crudas
Adducit Iscarioth:
Cum catenis, & millenis
Gladijs, ac funibus,
Cum clamore, & horrore,
Lanceis & fustibus.
Studiosè sed dolosè
Simulat se Traditor,
Quasi Verus & sincerus
Amicus non Proditor,
Huc ueniret, & nesciret
Quæ turbæ intentio!
(O quam crudè Iustus Iudæ
Traditur mendacio)
En malignum, nequam signum

Dat Liſtorum cumulo!
Rabbi aue: (Rabbi caue!)
Chriſtum tradit oſculo.
Turba ſtatim, & punctatim
Signo dato properat,
Ieſum ligat, & fatigat,
Trahit, rapit, verberat.
Dereliſtus eſt afflictuſ
Quoq; à diſcipulis,
Propter coetum, propter metum
Iudæorum tremulis:
Petrus ſolùm Iudæ dolum,
Vindicat mendacium,
Enſe tracto Malcho tacto
Infert auricidium.
Non exemit, nec redemit
Per hoc tamen Dominum,
ſed Tyranni inhumani
Rapiunt Sanctiſſimum:
Fatigatum, Verberatum
Adducunt ad Iudicem,
Laſſum totum, Sacerdotum
Ad Caiſpham tunc principem.
Conuenerunt, aſſederunt

Senio.

Seniores populi,
Strident dentes assistentes
Scelerato Præsuli,
Contra Iesum iam pertæsum
Cum Caipha discurrere,
Ad iniquum inimicum
Multa verba promere:
Inde quærunt, inuenerunt
Falsa testimonia,
Vinceretur, damnaretur
Quibus innocentia.
Ecce adsunt duo! dicunt,
Falsò iurant desuper,
Se audisse, adfuisse,
Quando iste furcifer
(Sic honorant & adorant
DEI. Vnigenitum,
Sanctæ Matris, summi Patris
Sempiterni Filium)
Se iactabat, uenditabat
Statim posse frangere
Templum DEI tantæ rei,
Triduo reficere.
Christus taces, quia placet

Ipsi mors durissima,
Vt deleret, aboleret
Citò nostra crimina.
Caiphas pergit ultrà, vergit
Ad summam audaciam:
Nova fingit, Christum stringit
Per DEI potentiam.
Vt faretur, fateretur,
Si est DEI Filius,
Increatus, Coelo datus,
Omnis culpæ nescius?
Christus breui dicto leui
Adiurantem expedit:
Tu dixisti: tetigisti,
Quin sim, nil me impedit:
Sed uidebis & stupebis
Hominis hinc Filium
Iam præsentem, assidentem
Dextræ DEI proximum.
Vix finivit: clamor iuit
Per totum iudicium
Ad cohortem, Christo mortem
Inferant supplicium.
Non egemus, non habemus

Opus

Opus testimonijs
Elaphemauit, se damnauit
Suis Verbis proprijs.
Hinc feraces & rapaces
Lupi suam rabiem
Plus diffundunt, Christum tundunt,
Expuunt in faciem.
Sic confusus, & illusus
Pilato extraditur;
Quasi purè victus iure
Reus mortis sistitur.
Stat modestus, nec infestus
Tot vexis tyrannicis,
Nil detrectat, sed expectat
Voluntatem Iudicis.
Contemplatur, & miratur
Pilatus modestiam;
Liberâset & saluâset
Vix non innocentiam:
Christum blandè, non infandè
Vt Caiphas alloquitur,
An sit certum & compertum
Quod de illo dicitur,
Quod sit latus Coronatus

Iudæ-

Iudæorum proprius?
Vitam spondet: hic respondet,
Tu dicis- nil amplius.
Non offensus, sed propensus
Præses tamen, manserat,
Multos modos, atq; nodos
Speculatus fuerat,
Quæis ualeret & deberet
Mitigare populum,
Ne uindictæ maledictæ
Daret Innocentulum,
Iubet uinctum ferro cinctum
Barrabbam adducere,
Hunc Latronem, & Prædonem
Manifestum sistere:
Iuxta morem ad honorem
Festi linguens populo
Ius petendi, eximendi
Vnum á patibulo:
Certò ratus tunc Pilatus
Quod Christum expeterent,
Illum verò poenis, ferro,
Et morti subijcerent.
O Pilate quàm beatè

Cæpisti

Cæpisti exordium!
Ita dura, ita cura
Finire iudicium!
Sed quam citò vix audito
Clamore Iudaico
Perturbaris, suffragaris
Furori Hebraico?
Crucifige, crucifige,
Tolle, tolle clauitant,
Hoc clamore & furore
Te Pilate territant?
Vxor agit, & prælagit
Mala tibi omnia,
Si cum isto iusto Christo
Procedes ad tormina:
Sed non mouit: plus commouit
clamor scholæ barbaræ,
Quo minantur imprecantur
Mulcrandum à Cæsare;
Si diuittes, non permittes
Christum cruci figere,
Dura sorte turpi morte
Ex hoc mundo tollere:
Expauescis, aquæscis

Statim

Statim fers sententiam,
Lauas manus, ut insanus
Damnas innocentiam.
Sic Beatum condemnatum
Rapiunt Carnifices,
Abs pudore abs rubore
Cruenti opifices.
Alligatur, flagellatur,
(Mirandum in homine)
Vt non staret, sed nataret
Proprio in sanguine.
Non centenos, sed millenos
Ictus supportauerat,
Præter linguam (nihil fingam)
Sanum non extiterat.
O rebelles, perduelles
Regi vestro subditi!
Leopardi, & bastardi
Naturæ ô fordidi!
Sic ne crudi supra nudi
Christi dorsum fabricam
Collocâstis, prolongâstis
Et vestram nequitiam?
Non timetis, non horretis

Pulsare

Pulsare Sanctissimum?
Laniare, lacerare
Pulchrum, & tenerrimum?
Ultra Christe! modus iste
Tractandi non sufficit,
Plus sudoris, da cruoris
Te Corona prospicit.
Spinas plectunt, & inflectunt
Ad unius digiti,
Apponuntur, imprimuntur
Venerando, capiti:
Omnes venæ huius poenæ
Stringuntur tyrannide,
En monstratur, præsentatur
Populo cum chlamyde!
Eheu dolor! qualis color
Vultum Christi purpurat?
Rubet quidem, sed iam pridem
Signum mortis fulgurat,
Breui actum tecum factum
Eritq; supplicium,
Iam iam truce[m] ferunt Crucem,
Quæ mortis indicium:
Hanc portare, baiulare
Debes ad Calvariam,

Vbi demum & postremum
Concludes miseriam.
Flagellatus, Coronatus
Ad Crucem proicitur,
Duris clavis, vel si maior
Ut latro affigitur.
Elevatur, exaltatur
Christus DEI filius,
Nebulones & latrones
Inter duos medius.
Ita pendens, & extendens
Manus Patrem supplicat,
Ne profanos, & insanos
Peccatores feriat.
Ut monstraret, se probaret
Fidelem ad ultimum,
Acceptavit, & Salvavit
Latronem nequissimum.
Nonâ horâ (homo plorâ!)
In Cruce uociferat:
Consummatum est: beatum
Spiritus emisit.
Vix extincto in procincto
Miles latus perforat,
Vnde tantum aquæ, quantum
Sanguis

Sanguinis effluxerat.
Adimpleræ sunt Prophetæ
Voces, de Te Domine,
Attriivisti, inanisti
Te totum pro homine.
Obscurantur, denigrantur
Luna Sol & omnia
Elementa non contenta
Quæq; lugent tristitia.
Surgunt multi iam sepulchra,
Velum Templi scinditur,
Bruta fremunt, montes tremunt,
Terra motum patitur.
Sic monstratur & probatur
Verus DEI Filius
Pro Peccatis perperratis
Ligno Crucis mortuus.
Iesu bone semper prone
Tuam dandi gratiam,
Me exaudi tuæ laudi
Accinentem animam.
Recordare quàm amare
Redemisti hominem,
Fac videre sustinere
Te benignum Iudicem.
Ut Tu mecum, ego tecum
Valeam fac vivere,
Te laudare, adorare
In æternum prospere.
Amen.

Biblioteka Jagiellońska



stdr0021146

